

आकाशवाणी

1. प्रधानमंत्री नरेंद्र मोदी होर 5 मुल्ले दी अपनी यात्रा दे खीरले चरणै च इटली दा दौरा मुकम्मल करियै नमी दिल्ली परतोई आए न, भारत ते इटली नै 2027 गी संस्कृति ते पर्यटन सरबन्धी ब'रे दे रूपै च मनाने दा फैसला लैता ऐ।
2. केंद्र सरकार नै बक्ख-बक्ख सोशल मीडिया प्लेटफार्मे पर नीट-यू.जी दे म्तेयान गी लेइयै गलत जानकारी फैलाने आहलें गी खबरदार कीता ऐ, शिक्षा मंत्री धर्मेन्द्र प्रधान होरें मेटा गूगल ते रेलीग्राम दे प्रतिनिधिएं कन्नै बैठक कीती।
3. पच्छिम बंगाल सरकारै भारत-बंगलादेश बन्ने पर कंडे आहली तारबन्दी करने ते बीएसएफ गी जिमी सौंपना शुरू करी दित्ता ऐ।
4. पच्छिम बंगाल दे दक्खन 24 परगना जिले च फलता सीट पर अज्ज परतियै वोट पोआए जा'रदे न।
5. आई.पी.एल च कोलकाता नाइट राइडर्स नै मुम्बई इंडियन्स गी हराइयै प्लेआफ च पुज्जने दी अपनी मेद बरकरार रक्खी ऐ, अज्ज शामी गुजरात ते चेन्नई दियां टीमां आमने-सामने होडन।

<><><><><><>

PM-Italy Visit

प्रधानमंत्री नरेन्द्र मोदी 5 मुलखें दी अपनी अधिकारिक जात्तरा दे अखीरले चरण च इटली दा दौरा मुकम्मल करियै नमीं दिल्ली परतोई आए न। भारत ते इटली ने कल अपने सरबन्धें गी बशेश रणनीतिक सांझ-भ्याली च तब्दील करने दा ऐलान कीता। दौनें देशें कृषि, अहम खनिजें, आयुर्वेद, विज्ञान ते टेक्नोलॉजी, समुंदरी ट्रांसपोर्ट ते बंदरगाहें दे खेत्तर च सैहयोग गी होर गैहरा करने लेई केई समझौता ज्ञापनं पर दस्तख्त कीते। भारती नसें दे इटली औने-जाने गी असान बनाने लेई बी इक समझौता कीता गेआ, जेह्दे'नै कुशल सेहत पेशेवरें लेई नमें मौके खुल्लडन। भारत ते इटली ने टैक्स कन्वै जुड़े दे अपराधें, काले धनै गी जायज बनाने ते आतंकवाद लेई पैसे जुटाने दे खलाफ तालमेल गी मजबूत करने पर बी सैहमति व्यक्त कीती ऐ। प्रधानमंत्री मोदी होरें गल्लबात दे बाद, प्रेस लेई जारी सांझे बयान च आखेआ जे भारत-इटली सांझी रणनीतिक कार्य योजना 2025-2029, दौनें मुलखें बश्कार सैहयोग लेई इक बवहारिक ते भविक्ख मूजब रूपरेखा प्रदान करग। उ'नें आखेआ जे दवै पक्ख भारत-इटली इनोवेशन सेंटर बनाने दी दिशा च कम्म करा'रदे न।

<><><><><><><><>

Pradhan Social Media

शिक्षा मंत्री धर्मेन्द्र प्रधान होरें कल मेटा, गूगल ते टेलीग्राम सने प्रमुख सोशल मीडिया प्लेटफार्मे दे प्रतिनिधिएं कन्वै बैठक कीती जेदे च प्रतियोगी मतेयानें दे बारै च गलत सूचनाएं दे बध्दे प्रसार पर गंभीर चिंता प्रगट कीती गेई। एहू बैठक 21 जून गी होने आहली नीट यू-जी 2026 दे परतियै लैते जाने आहले पेपर कोला पैहले महत्वपूर्ण मन्त्री जा'रदी ऐ।

अधिकारिण जानकारी दिती ऐ कि केई सोशल मीडिया अकाउंट ऐसे न, जेहड़े पेपरें कोला पैहले मते सक्रिय होइये फर्जी पेपर लीक, क्लिक बेट्ट सामग्री ते होर केई चाल्ली दी जानकारी फलान लगदे न तां जे मते -मते लोक इंदियां रीलां ते कन्टेन्ट दिक्खन ते फारबर्ड करन पर एहदे नै उनें विद्यार्थियों ते उंदे अभिभावे च भ्रम भलेखे आहली स्थिति पैदा होई जंदी ऐ जेड़ी ते बच्चें कन्नै ज्यादाती ऐ। इक होर बैठका च शिक्षा मंत्रीद औंदे नीट यू.जी मतेयान दे सुरक्षात, निष्पक्ख ते बवस्था आहले ढंगे सिर कराना यकीनी बनाने लेई सख्त निगरानी ते पुख्ता सुरक्षा बवस्था दी जरूरतै पर जोर दिता।

<><><><><><>

WB-Land

पच्छिम बंगाल सरकारै भारत-बांग्लादेश बन्ने पर कंडे आहली तारें दी बाड़ लाने लेई बी.एस.एफ गी जिमीं सौंपना शुरू करी दिता ऐ। नबन्ना च कल मुखमन्त्री शुभेंदु अधिकारी होरें बी.एस.एफ अधिकारियों दी मजूदगी च औपचारिक रूप कन्नै इस प्रक्रिया दी शुरुआत कीती। मुखमन्त्री होरें पिच्छली सरकार पर बन्नें दी सुरक्षा च रूकावट पैदा करने दा आरोप लाया। उ'नें आखेआ जे घुसपैठ, तस्करी, नकली करंसी, जबरन धर्म परिवर्तन ते गैर-कनूनी बांग्लादेशी घुसपैठियें कन्नै जुड़े दे अपराधें गी रोकने आस्तै बन्ने पर बाड़ लाना जरूरी ऐ। पच्छिम बंगाल भारत-बांग्लादेश दे 4 ज्हार किलोमीटर लम्मे बन्ने दा तकरीबन 2 हजार 200 किलोमीटर हिस्सा सांझा करदा ऐ। इ'ंदे च लगभग 1 ज्हार 600 किलोमीटर पर बाड़ लगगी गेदी ऐ, जिसलै के 600 किलोमीटर हिस्सा अजे बी खुला ऐ। कल 27 किलोमीटर जिमीं बीएसएफ गी सौंपी गई जेहदे चा 18 किलोमीटर बाड़ लाने ताई ते 9 किलोमीटर बीएसएफ चौकियें ते बुनियादी ढांचे ताई ऐ। मुखमन्त्री होरें भरोसा दिता ऐ जे तौले गै होर जिमीं मुंतकिल कीती जाहग, जेहदा पूरा खर्चा केंद्र सरकार ते बीएसएफ सांझे रूप कन्नै झल्लडन।

मुख्यमंत्री होरें दस्सेआ जे बन्ने आहले जिलें च जिला प्रशासन, बीएसएफ, राज्य पुलिस ते सीमा शुल्क एजेंसियों दी नियमित तालमेल बैठकां परतियै शुरू होई गेइयां न। बीएसएफ दे महानिदेशक प्रवीण कुमार होरें राज्य सरकार दी सराहना करदे होई आखेआ जे सीमा सुरक्षा अभियानें च लम्मे समें थमां जिस सैहयोग दी लोड ही, ओह हुन हासल होआ करदा ऐ।

<><><><><><>

Gadkari-Highways

सड़क, ट्रांसपोर्ट ते जरनैली शिड़कें सरबन्धी केंद्री मंत्री नितिन गडकरी होरें कल नमीं दिल्ली च असम च 4 ज्हार किलोमीटर कोला मती लम्बाई आहली राष्ट्री जरनैली शिड़क परियोजनाएं दे म्यार ते रख-रखाव सरबन्धी कम्में दी समीक्षा कीती। बैठका च गडकरी होरें जमीनी सतह पर कम्में च तेजी आहने, म्यार पर निगरानी रखने दी बवस्था गी निगगर बनाने ते निर्माण दिएं भलेयां अज्जै-कल्लै दियां तकनीकां अपनाने पर जोर दित्ता तां जे सड़कें दी मजबूती ते इंदे पर सफर करने दा अनुभव बेहतर होई सकै।

<><><><><><>

Falta-Repolling

पच्छिम बंगाल दे दक्खन 24 परगना जिले च फलता विधानसभा सीट पर परतियै मतदान अज्ज होआ करदा ऐ। वोट पाने दा सिलसिला बडुलै 7 बजे शुरू होआ जेडा शामी 6 बजे धोड़ी चलदा रौह्ग। चुनां आयोग नै फलता विधानसभा क्षेत्र च सम्भनें तदान केंद्रें पर परतियै वोट पोआने दा निर्देश दित हा ते 29 अप्रैल गी होए दे मतदान गी रद्द करी दित्ता हा कीजे उत्थै मतदाताएं गी डराने, धमाके, मतदान केंद्रें दे अंदर विजन इखतयार लोकें दी मौजूदगी, ते वोटिंग मशीनें कन्नै कथित छेड़छाड़ समेत, अनियमितताएं दियां शकैतां थोइयां

हियां। फलता विधानसभा सीट पर चलै करदे चुनां च कुल 6 मेदवार मैदान च न जिंदे चा 2 अजाद मेदवार न।

<><><><><><>

Anti Terror Day

देश भरै च अज्ज आतंकवाद विरोधी ध्याड़ा मनाया जा'रदा ऐ। इस ध्याड़े गी मनाने दा मकसद युवाएं गी आतंकवाद ते हिंसा दी संस्कृति थमां दूर करना ते उ'नेंगी आतंकवाद करी, राष्ट्रहित गी पुज्जने आहले नुकसान ते आम लोकें गी होने आहली तकलीकें बारै जानकार बनाना ऐ। इस मौके उप्पर शपथ ग्रहण समारोह सने केई होर कार्यक्रम बी आयोजित कीते जंदे न। इससै दिन ब'रे 1991 च साबका प्रधानमंत्री राजीव गांधी होर आतंकवादियें दे षड्यंत्र दा शकार होए हे।

<><><><><><>

India Pak Criticism

भारत नै संयुक्त राष्ट्र सुरक्षा परिषद यू.एन.एस.सी च पाकिस्तान दे कल्लोगारत आहले इतिहास दी सख्त निंदा कीती ऐ। कल थेआरें कन्नै लड़ाइयें च आम नागरिकें दी सुरक्षा विशे पर आयोजित सुरक्षा परिषद दी सलाना खुल्ली बैहस च बोलदे होई संयुक्त राष्ट्र च भारत दा स्थाई राजदूत हरीष पर्वतनेनी होरें आखेआ कि पाकिस्तान दी गैर मनुक्खी व्यवहार केई दहाकें थमां अपनी अंदरूनी नाकामिएं गी हिंसा राहें कज्जने ते छपैलने दिएं कोशशें गी दर्शांदा ऐ। पर्वतनेनी होरें आखेआ कि अफगानिस्तान च संयुक्त राष्ट्र सहायता मिशन नै 2026 दे पैळले 3 म्हीनें दरान पाकिस्तानी बलें आसेआ कीती गेदी बन्ने पार हिंसा दे कारण 750 कोला मते आम नागरिकें दी मौत ते केइएं दे घायल होने दिएं घटनाएं गी दर्ज कीता ऐ।

<><><><><><>

IPL

IPL Cricket च अज्ज अहमदाबाद दे नरेंद्र मोदी स्टेडियम च गुजरात टाइटन्स दा मकाबला चेन्नई सुपर किंग्स कन्नै होग। मैच शामी साड्डे 7 बजे शुरू होग। गुजरात दी टीम पैहले गै प्लेटाफ मकाबले लेई अपनी थाहर पक्की करी चुकी दी ऐ जिसलै के चेन्नई दी टीम प्लेआफ दे चार्ट च चैथे नम्बरै पर औने लेई संघर्ष करग। तोआई, कल रातीं कोलकाता दे ईडन गार्डन च खेड्डे गेदे इक जबरदस्त मकाबले च कोलकाता नाइट राइडर्स नै मुम्बई इंडियन्स गी हराइयै प्लेटाफ च पुज्जने दी अपनी मेद जींदा रखी ऐ।

<><><><><><>